

## Headlines

- भारत ते पाकिस्तान बश्कार संघर्ष विराम दी घोषणा दे बाद बी पाकिस्तान नै एहदी खलाफवर्जी कीती। पर एल्लै फिलहाल नियंत्रण रेखा ते अंतरराष्ट्रीय बन्ने पर रमानदारी बनी दी ऐ।
- संघर्ष विराम दी घोषणा दे बाद प्रधानमंत्री नरेंद्र मोदी होरें इक उच्ची सतह दी बैठक लाइयै स्थिति दी समीक्षा कीती।
- मुखमंत्री उमर अब्दुल्ला होरें आखेआ ऐ जे बन्ने कन्नै लगदे इलाकें च रौहने आहले लोकें गी राहत पुजाना सरकार दी पैहली तरजीह, उन्नै संघर्ष विराम दी घोषणा दा सुआगत बी कीता।
- उपराज्यपाल मनोज सिन्हा ते मुखमंत्री होरें राजभवन च सिविल समाज दे नुमाइंदें कन्नै बैठका च एकता, भाईचारा ते बसाह भरोसा बहाल करने दा आहवान कीता।
- बी.सी.सी.आई ते आई.पी.एल दे गवर्निंग काउंसल अज्ज आई.पी.एल दे मैच परतिए जारी रखने बारै सोच विचार करोग।

<><><><><><>

## Ceasefire-Violations

विदेश सचिव विक्रम मिसरी होरें आखेआ ऐ जे पाकिस्तान कन्नै कल बनी दी सहमति दी परतियै खलाफवर्जी होई ऐ। कल नमीं दिल्ली च पत्रकारें गी जानकारी दिंदे होई श्री मिसरी होरें

आखेआ जे थेआरबंद बल इनें खलाफवर्जियेँ दा बनकदा जवाब देआ करदे न ते भारत इनें खलाफवर्जियेँ गी बड़ी संजीदगी कन्ने दिक्खा करदा ऐ। भारत नै पाकिस्तान गी आखेआ ऐ जे ओह इनें संघर्ष विराम दी उल्लंघनाएं दे मसले गी हल करने लेई लोइचदियां गेंइयां पुट्टे ते हालात कन्ने संजीदगी ते जिम्मेदारी कन्ने निब्बड़ै। श्री मिसरी होरें आखेआ जे थेआरबंद बलें हालात पर नेइमी तक्क रक्खी दी ऐ। पाकिस्तान दी तरफा संघर्ष विराम दिएं खलाफवर्जिएं दे चलदे विदेश सचिव होरें कल रातीं इक प्रेस वार्ता च आखेआ।

विदेश सचिव होरें आखेआ जे भारत ते पाकिस्तान बश्कार सैनिक कार्रवाई गी रोकने लेई कल संझा दौनें पास्सेआ डी.जी.एम.ओ स्तरें दी गल्लबात होई ही।

<><><><><><>

#### PM-Meeting

प्रधानमंत्री नरेंद्र मोदी होरें भारत ते पाकिस्तान बश्कार लड़ाईबंदी दी घोषणा होने दे तुरत मगरा नमीं दिल्ली च अपनी रिहायश च इक्क उच्च स्तरी मीटिंग दी अध्यक्षता कीती। विदेश मंत्री डॉ. एस जयशंकर, रक्षा मंत्री राजनाथ सिंह, राष्ट्रीय सुरक्षा सलाहकार अजीत डोबाल, चीफ ऑफ डिफेंस स्टाफ ते त्रोंने सेवाएं दे प्रमुख इस मीटिंग च शामिल हे।

<><><><><><>

#### Home Secy. Meeting

गृह सचिव गोविंद मोहन होरें पाकिस्तान द॥बन्ने कन्ने॥लगद॥राज्येँ द॥मुख सचिवेँ कन्ने कल वीडियो कांफ्रेंस राहें बैठक कीती। सूत्रें मूजब उनें राज्येँ गी चोकन्ना रौहन॥त॥बन्न॥पारा कुसै चाल्ली दी गोलीबारी कन्ने निब्बड़न॥त॥अपन॥खत्तरें च नागरिक रक्षा तंत्र गी सक्रिय करन॥

आस्तै आखेआ गआ। भारत तॆपाकिस्तान दॆबशकार संघर्ष विराम दी घोषणा दॆबाद एह बैठक होई।

<><><><><><>

### CM-Ceasefire

मुख्यमंत्री उमर अब्दुल्ला होंरें भारत ते पाकिस्तान बशकार लड़ाईबंदी दे समझौते दा सुआगत कीता ऐ। उनें आखेआ जे एहदे कन्ने लोकें दा जीवन बचोग। उनें बन्ने पर रौहने आहले लोकें दी तकलीफ गी स्वीकार कीता ते उनेंगी परतिये बसाने लेई मदाद करने पर ध्यान देने पर जोर पाया। उनें आखेआ जे प्रभावित आबादी गी राहत उपलब्ध कराने च पैहल दिती जाग। उनें मनुक्खी सहायता ते अमन-शांति लेई सरकार दे धेइये दा जिक्र कीता। मीडिया कन्ने गल्लबात करदे होई मुख्यमंत्री होंरें आखेआ जे।

<><><><><><>

### Current-Situation

कल संझा भारत ते पाकिस्तान बशकार संघर्ष विराम दी सहमति बनने दियां खबरां रेडियो पर सुनदे गे आम लोकें च खुशी, संदोख ते राहत दी लैहरजन दोड़ी पेई। स्हाड़े श्रोताएं स्हाड़े समाचार कक्ष च फोन करिये असेंगी अपनी प्रतिक्रिया देना शुरू करी दिता। पर एह राहत आहली स्थिति मते चिरै तोड़ी बनी दी नेई रेही सकी कीजे पाकिस्तान नै घोषणा दे किश घंटे अंदर गे फायरिंग शुरू करी दिती जेदे नै लोकें च इक बारी परतिये चिंता व्यापी गई। अस्स अपने छोताएं गी दस्सी ओइचे जे अज्ज बड्डलै थमां कुसै बी बन्ने या नियंत्रण रेखा पर संघर्ष विराम दी खलाफवर्जी दी कोई खबर नेई ऐ ते स्थिति सामान्य बनी दी ऐ।

<><><><><><>

## LG Meet CM

लेफ्टिनेंट गवर्नर मनोज सिन्हा ते मुखमंत्रि उमर अब्दुल्ला हों कल श्रीनगर दे राजभवन च सिविल समाज दे मेम्बरें, धार्मिक लीडरें ते बपारिक संगठनें दे नुमाइं दे कन्नै गल्लबात कीती। इनें लीडरें एकता, सामजिक भाईचारे पर जोर पाया ते लोकें च बंड पोआने दी दुश्मन दी कोश्टें दा सामना करने दी समर्थ कायम करने पर बल दिता। मुखमंत्रि हों नागरिकें गी विश्वास दे दूत दे तौर पर कम्म करने दी अपील कीती ते एह भरोसा दोआया जे सरकार हर इक नागरिक दी हिफाजत करने लेई बचने बज्झी दी ऐ। इस दौरान आए दे लीडरें एकता दा संदेश दिता ते हाल च होई दी हिंसा दे पीड़ितें लेई 2 मिनट मौन रक्खेआ।

<><><><><><>

## Fact Check

पाकिस्तान दी कायराना हिमाकत पर भारत दे तगड़ेयाई आले परते पर बन्ने दे दूई बक्खी थमां गलत सूचनाएं गी जारी करने दा सिलसिला जारी ऐ। नकली वीडियो ते बदली दिए तस्वीरें दा पाकिस्तान आस्सेआ उप्परोतली प्रसार कीता जा'रदा ऐ। लोकें गी आग्रह कीता जंदा ऐ जे ओह कुसै बी खबर दी तस्दीक करने ते कुसै बी संदिग्ध सामग्री दी रिपोर्ट पीआईबी फैक्ट चेक गी मोबाइल नंबर 8799711259 पर व्हाट्स ऐप दे राएं जां फही [socialmedia@pib.gov.in](mailto:socialmedia@pib.gov.in) पर ईमेल दे राएं देन। लोकें गी आखेआ गेदा ऐ जे ओह सोशल

मीडिया पर चलने आहलिंगं खबरें पर अक्खी मीटियै भरोसा नेई करन ते सरकारी दिशा-निर्देशें ते खबरें पर गै जकीन करन।

<><><><><><>

### Army Pak-Loss

फैक्ट चेक इस करिए बी जरूरी ऐ जे झूठे प्रचार कन्नै गलत जानकारी ते गलत फैहमी बी फैली सकदी ऐ। पाकिस्ताने जित्ि बड्डे-बड्डे दावे करा करदा ऐ, उत्थे गै सच्चाई एह ऐ जे उसी भारत खलाफ अपनी उकसावे आली कारवाई दे चलदे खरा मता नुकसान भुगतना पेआ ऐ। कल नमीं दिल्ली च मीडिया गी जानकारी दिंदे होई कर्नल सोफिया कुरेशी होरें आखेआ जे भारती सैन्य बलें पाकिस्तान च आतंकवादिएं दे ठकाने गी नष्ट करी दिता। उनें आखेआ जे भारत दे आपरेशन दा लक्ष्य सिर्फ आतंकवादिएं दे ट्रेनिंग कैपें दे जिनेंगी भारत विरोधी गतिविधिएं आस्तै इस्तेमाल कीता जंदा ऐ, उनेंगी नष्ट करना हा। कर्नल कुरेशी होरें गलाया जे भारती सैन्य बलें कुसा बी धार्मिक थाह गी नशाना नेई बनाया। पाकिस्तान नै दावा कीता हा जे उनें भारत दे एस-400 ते ब्रमोस मिसाइल गी जे.एफ-आई.टी कन्नै नष्ट करी दिता ऐ, जेहड़ा सिरे दा झूठ ऐ। उनें आखेआ जे भारतीय एयर फील्ड सिरसा, जम्मू, पठानकोट, भठिंडा ते भुज च न, उनेंगी नुकसान पुज्जने दी जानकारी बी गलत ऐ। कर्नल होरें आखेआ जे भारत इक धर्मनिरपेक्ष देश ऐ ते एह सेना भारती संवैधानिक मुल्लें दा सनाकड़ा प्रतिविब ऐ। इस दरान विंग कमांडर व्योमिका सिंह होरें आखेआ जे पाकिस्तान नै भारती सेना बलें पर मसीतें गी नशाना बनाने दे झूठे इल्जाम लाए न।

<><><><><><>

## BCCI

IPL दे उपाध्यक्ष राजीव शुक्ला होंरें आखेआ ऐ जे भारत ते पाकिस्तान बश्कार युद्ध विराम दी घोषणा मगरा बोर्ड दे अधिकारियें ते आई.पी.एल गवर्निंग काउंसल अज्ज निलंबित टी-20 लीग गी पूरा करने लेई संभव कार्यक्रम बारे चर्चा करोग। बोर्ड गी शुक्रवारें आई.पी.एल गी निलंबित करने गी मजबूर होना पेआ हा जिसलै के आइ.पी.एल दे अजें 16 मैच बाकी हे।

<><><><><><>

## Ramban-Youth Service

युवा सेवाएं ते खेड्डें सरबंधी मैहकमा रामबन नौजवानें गी खेड्ड गतिविधिं कन्नै जोड़ने लेई अनथक जत्न करा करदा ऐ ते नौजवान खो-खो, कौड्डी ते बैडमिंटन जनेइयें खेड्डें च बधी चढ़ियै हिस्सा लै करदे न। सरकारी ते प्राइवेट दौनें स्कूलें दे विद्यार्थी खेड्ड आयोजनें गी लेइयै मते उत्साहित न जिनेंगी दिक्खिए पता लगदा ऐ जे उन्दे अंदर खेड्डें गी लेइयै दिलचस्पी बी ऐ ते समर्थ बी। इस मौके उनेंगी अगड़े बधने ते उन्दे पूरे-पराते विकास च महत्वपूर्ण साबत होई सकदा ऐ। मैहकमे दिं कोश्टें दा असर नौजवानें च साफ लब्धा करदा ऐ। युवा सेवां ते खेड्डें सरबंधी जिला अधिकारी जगदीश राज होंरें गल्ल करदे होई आखेआ।

<><><><><><>